

Nicolaus Schütze

Programma Quo Rector Universitatis Rostochiensis Nicolaus Schütze/ I.U.D. & Codicis Professor, Ad Exequias Quas ... Virgini Agnetae Lindemans/ Mater moestissima hodie hora prima in templo Mariano paratas cupit, Omnes omnium ordinum Cives Academicos sedulo hortatur

Rostochii: Kilius, 1640

<http://purl.uni-rostock.de/rosdok/ppn772178410>

Druck Freier  Zugang



Schütze, N.
in
A. Lindemann.

Rostock. (1640.)


PROGRAMMA

QUO

RECTOR

Universitatis Rostochiensis

NICOLAUS Schütze /



J. D. & Codicis Professor,

AD

EXEQUIAS

QUAS

REVERENDISSIMÆ & PUDICISSIMÆ
VIRGINI

AGNETÆ

Lindemans /

Mater moestissima hodie hora prima
in templo Mariano paratas cupit,

*Omnes omnium ordinum Cives Academicos
sedulo hortatur.*



ROSTOCHII,

Literis NICOLAI KILII, Acad. Typogr.

ANNO MDC XL.

259



Qui ex hac vita, paupertatis & indigentiae, dedecoris & infamiae, morborum & aegritudinis & id genus aliorum defectuum, plenus evocatur, nihil omnino habet, quod de factorum & inopportuna mortis inclementia conqueratur, quam plurimi his defectibus onusti, pannis annisque oblitis, votis quotidianis, tempestivis intempestivis, invocarunt, nec auditi, è vita, per vim sua sibi manu illatam, ante quam à Deo jubentur, discedunt. Alij moriuntur non omnium quidem, quae in bonis habentur, egeni: Aliquo tamen defectu laborantes, nec tam eorum, quae habent, praesenti copia fruuntur beati, quam quae non habent, eorum desiderio miserè torquentur. Opibus qui abundat, splendidis vero titulis honorum non ornatus est, vitam sibi vix vitalem ducit. Honoratus quidem, pauper vero, perinde, quasi nervis destitutus ambulat. In lecto quamlibet aureo & pur-

& purpureo jacentem si bona valetudo, & incorrupta sanitas corporis destituat, quidni optet potius uno ictu cum fatis decidere, quam lenta quidem, sed certa tandem, & non una morte defungi? Deniq; si ad eos veniamus, qui & fortunæ bonis abundant, & corporis viribus alijsque bonis in ætate bona non destituuntur; Quin etiam ex virtutibus animi ornatum cæteris dotibus adjungunt, hic causam habere videntur, quæ in vita nullis defectibus laborante, amœnitatum vero plena, eos teneat, nec facile, nisi invitos & omnem mortis mentionem averfantes dimittat. Quam in classem referuntur præcipuè juvenes quibus præsens bonorum copia allubescit & spe vicina majorum commodorum ducuntur, neq; sibi quidquam non constans & perpetuum in familiari felicitate promittunt. Fingamus virginem adolescentem nobis offerri, quæ ortum ex genere luculento ducat, & opibus, forma corporis venusta polleat, & ea ætate jam sit, ut in matrimonium honesto & primario juveni viro collocari possit, si ea morbo primum tentetur, deinde mortem propinquam adesse sentiat, nonne humanitus loquendo, habitura sit, quod conqueratur, suamq; vicem

K 2

doleat,

doleat, experiri coactæ, quod minimè velit,
cum aliæ infeliciores vivant & suos defectus
nunquam non deplorent. Quid autem ficto
opus est, cum rem nobis ipsam hodiernus dies
exhibeat? Etenim virgo lectissima, fortunæ,
corporis, animi dotibus ornatissima AGNE-
TA LINDEMANS, digna, si votis & suf-
fragijs humanis locus esse potuisset, quæ &
proaviæ & abaviæ annos assequeretur, hodie
ad Christianam sepulturam efferetur, ut ex ijs
quæ sequuntur, parebit. Nata hæc est Anno
cl^o lcc^o xxii. die 9. Septembr. ex parentibus,
quod urbi toti notissimum est, primarijs. Pa-
ter ei fuit Vir Amplissimus & Consultissimus
Dn. THOMAS LINDEMAN p. m. Ju-
rium Doctor & hac in Universitate Antecessor,
dum viveret, celeberrimus, cujus memoria,
nunc etiam nobis omnibus summo in precio
esse debet: Ita certè meritis & de Academia,
cujus juventutem fideliter docuit, collegas
studiosè coluit, sincere amavit, & de hac civi-
tate, cui Syndicus opera, fide, consilio præsto
semper fuit, ante annos non ita multos piè
ex hac in coelestem Academiam translatus
memoriã sui nobis reliquit immortalem. Ma-
ter foemina lectissima ELISABETHA *Hahnen*
suis

fuis virtutibus & mariti radijs etiam nunc decora splendet. Avus ei paternus fuit Vir honestissimus & integerrimus HENRICH *Vindeman* Civis Hervordienſis Reipubl. in Weſtphalia non poenitendus. Avia paterna ANNA *Kirchhoves*/ matrona filij tam eximij partu & pietate prædicanda. Avus maternus BERNHARDUS *Sahne* Vir & Civis hujus Reipubl. primarius: Avia materna ELISABETHA *Clingen*/ ordinis ſui inſigne ornamentum, quamdiu vixit, matrona præſtantiffima. Proavus maternus, Dn. BARTHOLOMÆUS *Clinge* J. U. D. & in hac Univerſitate Profeſſor, Conſiliarius Megapolitanus, Vir Magnificus, Ampliffimus & Conſultiffimus, decus & præſidium hujus Univerſitatis Provinciæque clariffimum. Proavia materna MARGARETA *Krons*/ Senatorij ordinis viro nupta, matrona eximia. Ex his parentibus & majoribus legitimè orta & nata hæc virgo, hoc primum divinæ providentiæ collatum in ſe munus debuit, quod virtutem ſuorum majorum imitandi ex ijs occaſionem habuit. Sed paulo poſtquam in hanc lucem eſſet edita, adoptata eſt in familiam longè ſplendidiorem & auguſtiorẽ per lavaerum

regenerationis & renovationis in Spiritu S. ut
Servatori suo, cui nomen & fidem dederat, ser-
viret in æternum. Ab eo tempore quotidiana
cepit incrementa hic flosculus, non formosi
tantum corporis, & quæ omnium in se obvi-
orum oculos converteret, sed animi & men-
tis, præcipuè pietatis cultum sequebatur.
Cui adjunctum erat obedientiæ parenti-
bus debitæ studium, cura modestiæ virgi-
nalis & castitatis, quæ quo propior est luxui
& voluptatibus, eo periculosiori in statu ver-
sari solet, otij domestici fuga, in obeundis
alijs officij partibus diligentia sedula. Quid
amplius conceptis votis à DEO optari posset,
quam honestè nasci, honestè educari, honestè
vivere, nec ullius rei inopia vel defectu tor-
queri? Intervenit quidem nubes & hanc se-
renitatem obfuscavit, cum pater ei admodum
adolescuntulæ ex oculis submoveretur & quasi
ex complexu avelleretur; Sed eam benedi-
ctionis divinæ, quam pater discedens relique-
rat, copia in animo tenello, nec rei magni-
tudinem satis capiente, facile dispulit & planè
ut evanesceret effecit. Itaque spes felicitatis
optatæ cum quotidie cresceret & majora in-
crementa etiam expectarentur, præter omnem
exspe-


expectationem, ante septimanas tres morbo tentari cœpit, à catarrho & tussi non exiguam passa molestiam: Sed ex catarrho in peripneumoniam incidit, die 12. Novembr. & cum tenerrimæ vires expectorandis noxijs humoribus non sufficerent, conjuncta febris indies increvit, fauciumq; accessit inflammatio, dolore & vigilijs molestissima, quibus cum malis, dubio licet eventu, aliquandiu colluctata sit, tandem tamen, tristi eventu, victa succubuit, die morbi vigesimo: Atq; ita ipsis Kalendis hujus mensis ad pomeridianam horam secundam, in vera invocatione sui Redemptoris & firma fide, placido & beato obitu, quasi somno, consopita, exspiravit, & animam, in resurrectione mortuorum, suo corpori jungendam in manus Redemptoris sui tradidit. Videtur quidem Virgo nostra hîc fortunata, nunc vero beatissima, nullam causam habuisse, qua libenter ex hac vita discedens, tot amœnitates relinqueret: Sed cogitavit haud dubiè, caduca esse bona, quæ hic possideret, æterna & immortalia, quæ illic acquireret: Siquidem pietas eorum promissionem habet, ab eo, qui, quod promisit, fideliter præstare & vult & potest. Hujus ergo fiduciæ plena cum discesserit &

rit & parenti desideratissimo inter sanctos an-
gelos & homines jam coniuncta vivat, nos
quidem hanc ei sortem gratulamur jure me-
rito, matri vero, quæ ejus obitu haud dubiè
summo in moerore & luctu versatur, vicem
dolemus, quæ filiaè dilectissimæ præsentiam,
desiderat, in qua conspecta acquiescere, &
omnem ex animo tristitiam, ob filij quoq;
studiorum causa inter externos degentis absen-
tiam, dolere consueverat: Ei id jure suo po-
stulanti & bene meritis mariti, etiamnum in
animis gratis recentibus hoc dabimus, quod
aliàs officij nostri est, & funus comitatu nostro
frequentissimo ornabimus virginis, quæ pa-
rentis delictum, matris amor erat, sui sexus &
ordinis decus, & ornamentum non vulgare
exstitit, nunc exemplum fragilitatis & morta-
litas nostræ evidentissimum. P. P. Ro-


stochij sub sigillo Rectoratus,
die 4. Decembris Anno
M DC XL.

Conventus fiet in templo Jaco-
bæo hodie hora prima.





expectationem, ante septiman
tentari coepit, à catarrho & tussi
passa molestiam: Sed ex cat
pneumoniam incidit, die 12. No
tenerrimæ vires expectorandis
ribus non sufficerent, conjunct
increvit, fauciumq; accessit infla
lore & vigilijs molestissima, quib
dubio licet eventus, aliquandiu
tandem tamen, tristi eventu, vi
die morbi vigesimo: Atq; ita
hujus mensis ad pomeridianam
dam, in vera invocatione sui
firma fide, placido & beato obi
mo, consopita, exspiravit, & a
surrectione mortuorum, suo co
dam in manus Redemptoris sui t
tur quidem Virgo nostra hâc fo
vero beatissima, nullam causam
libenter ex hac vita discedens, te
relinqueret: Sed cogitavit hauc
ca esse bona, quæ hic possideret,
mortalia, quæ illic acquireret:
tas eorum promissionem habet
quod promisit, fideliter præstare
test, Hujus ergo fiducia plena



the scale towards document

Image Engineering Scan Reference Chart TE263 Serial No. 037